


Edizione diplomatica



Bernartz deuentedorn.

LO doutz temps depascor. Absa doussa
uerdor. Nos adui fuoilla eflor. De diuer-
sa color. P(er) que tuich lamador. Son gai
echantador. Mas ieu q(ue) plaing eplor. cus
iois noma sabor.


A totz mi clam seignor. De midonz edamor.
Aquist dui trahidor. Car mi fiaua en lor.
Mi fant uiure ab dolor. P(er) ben ep(er) honor.
Cai faich ala genssor. Que nom ual
nim socor.

Las euiure qem ual. Car no uei aiornal.
Mon fin ioi natural. En lieich sotz fe-
nestral. Blanc efresc atretal. Cu(m) par
neus anadal. Si camdui p(er) egal. Mesu
rem p(er) cabal.

No uim drut tant leial. Q(ue) pieitz aia so
sal. Qieul port amor coral. Elam ditz
nomen cal. Enanz dic que p(er) al. No ma
ira mortal. Esi p(er)som fai mal. Pechat
fai criminal.

Pois fom amdui enfan. Lai amada ela
blan. Euai mamors doblan. A chascun
iorn de lan. Esi nois trai enan. Amors e
beil semblan. Pos er uoill edeman. Que
maia bon talan.

Pena edolor edan. Nai aguda enai gran.



Mas sofert o ai tan. nomo teing ad af-
fan. Canc hom non ui aman. Mieills
ames ses engan. Qieu nom uau cambi
an. Si cu(m) las dompnas fan.

Ben fora oimais sazos. Bella dompna
epros. Qem fos datz guizerdos. Dun iazer
arescos. Car non sui enoios. Eia per als
nous fos. Cus bes ual autres dos. Q(ua)n for-
sa es damdos.

Qan uei uostras faissos. El gen cors amo-
ros. Bem merauill de uos. Cum etz de brau
respos. Car ben es tracios. Qand par hom
francs ebos. Epuis es orgoillos. Lai on es
poderos.

Bels uezers si non fos. Mos enans totz
en uos. Eu laissera chanssos. P(er) mal dels
enoios.

- letto 466 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2303>